

AETERNAE MEMORIAE
 LVDOVICI XIII.
 FRANCIAE, ET NAVARRAE
 REGIS CHRISTIANISSIMI
 ANGLI PROFLIGATI:
 RVPELLA EXPVGNATA.



LIBRERIA
 M. M. A.
 V. M. A. E. M. A. N. I. E. L.

ROMAE, Apud Iacobum Mascardum. MDCXXIX.

SVPERIORVM PERMISSV.

LETTERAE ABBONDA
LUDOVICI XIII.
FRANCIS ET RAVENNA
REGIS CHRISTIANISSIMI
ACCOLI PROPTER
HABITAM EXTERMINA



AD HOC...
SACRARIUM...

Ad Illustriss. & Excellentiss. D.

P. DE BETHVNE

EIVSDEM S. MAIESTATIS

Apud Sanctissimum D. N.

VRBANVM VIII.

S. PONTIFICEM

LEGATVM.



T vetus sic vera est sententia.

*L. E. Satis citò, vel, nunquam
serius, si bene.* Dormitare visus

sum in vltima communi ala-
critate: tandem qua nescio
via excitatus, compenso tar-


ditatem: Si non bonitate, at certè scriptio-
nisi tali quali numerositate: Alia homini man-
cipato strictioris vitę obseruantijs cogitāda,
alia facienda, quàm versus. Saltus fuit iste
ingenij, cui similem non feci ab annis quin-
decim nisi vnum, ex occasione scilicet eue-
ctionis S. D. N. nunc fēliciter sedentis, & du-

dum fessuri, ad S. Pontificatum. Arguet me
 forsan aliquis, quod vel semel de talibus co-
 gitem: At meritum causę plus equò me ex-
 cusat, deffendit, iustificat. Faciant, qui face-
 re debent & possunt, melius: At lætabor ip-
 sorum animos irritasse. Non alteri quàm ti-
 bi L. E. Poema debebatur: quia alter quàm
 tu personam vt Christianissimi sic semper
 Inuictissimi Regis hacce in Romana Curia
 non representat: quod quàm dignè facias:
 quis nescit? Benè faue, & vale.

VIVAT REX.

Fr. Ambrosius Lexionien. Tertij Ord. S. Francisci
 Congreg. Gallicanę Sacerdos professus: Guard.
 Conu. B. Marię Miraculorum de Vrbe.

ANGLI PROFLIGATI,
R V P E L L A
EXPVGNATA
C A R M E N.



EX summa est populis, quam ius sta-
biliuit virumque,
Quà sine mortales inter vix ulla vi-
gere
Gratia, pax, requies, amor, aut com-
mercia possunt:

*Cuiq; bonum istius vitæ quodcunque caducæ,
Conuictusq; lepos humani innititur omnis.
Scilicet ut Dominis humiles parere Supremis
Detrectent nusquam, nusquam dare colla recusent.
Hanc dudum Rupella, Caput per Gallica Regna
Hæreseos, toto confregerat impete Legem.
Impia quinetiam prorsus, cum Rege Britanno,
Cumq; alijs similis sociarat fœdera Sæclæ
Principibus: nec iam Regemue, Deumue timere
Cæca videbatur: quin signa Britannica passim,
Perq; vicos, turresq; suas, & mœnia circum*

*Extulerat: peritusq; animos hausisse rebelles
His paribusq; alijs monstrabat perfida factis.*

*Tum verò non ultra tibi, LODOICE, ferendos
Hos impune homines visum: Tot crimina, tales
Excessus: animo grandi frænare proponis.
Nec mora: Dat sonitum tuba bellica, cogitur ingens,
Magnificus, florens, clarisq; exercitus armis:
Qui Rupellæos meritis terroribus agros
Compleat, & leges ipsis dare, iuraq; possit
Fluctibus, ac totum (si fas) sibi subdere mundum.
Vallatur subitò dura obsidione rebellis*

*Rupella, illa (inquam) vastum Rupella per orbem
Tam celebris, iuulog; haud expugnabilis unquam
Condecorata Urbis: sparguntur mœnia circum
Hinc inde aratæ, Mauorua corda, phalanges:
Scinditur in fossas vario pro milite campus:
Assurgunt multis hominum sudoribus actæ
Nubigeræ turres: & propugnacula (quæso)
Fortia quis numeret? queis mox Rupella dedisse
Debueras humilis collum: ni cæca fuisses.*

*Hic peditem locus est; Equitum illic turma locatur:
Hic pro Tormentis, queis ipsa tonitrua cedant,
Arte hominum multa durâq; attollitur agger.*

*Quâq; loci natura finit, diuersa parantur
Opportuna hinc inde Viris habitacula passim
Principibus: Magni quin & tentoria Regis
Castrorum eximia lectaq; in sede leuantur.*

*Quis mihi iam, quid agani illic tot Martia, vales,
Agmina commemoret? vel queis terroribus ipsa
Rupella omnigeni sibi conscia criminis, intus
Angatur? qualemue trahat per compita vitam?
Non mihi scribendi versus si gratia quævis
Adfuerit, valeam memorando talia fari.*

*Anglorum interea Buchiganno sub Duce Classis,
Classis acerba minans, vastum voltare per æquor
Conspicitur: petit illa petit succurrere stricto
Antiquoq; sibi Rupellæ fœdere iunctæ.*

*Ni faciat: deleta ruit communis utrisq;
Secta, iacetq; imis radicibus eruta fallax
Hæresis: & veri redit obseruantia cultus.*

*Aulnicios refluxis quæ fluctibus alluit agros
Oceanus, dictamq; furens prorumpit in urbem:
Parua quidem, sed amœna iacet, cui Rhetia nomen
Insula, sat firmis validisq; instructa duabus
Arcibus: & forti, si raro, milite plena,
Sub Duce Toyraci, Priami cui filius Hector
Cederet, & quem non ipse expugnasset Achilles.
Hanc opportunum sibi turba Britannica portum,
Descensusq; locum, mediæ sedemq; quietis
Legerat, & magno expugnare indixerat ausu.
Quippe inde expulsis armato milite Gallis,
Posse peti plenâ cum libertate sciebat
Defsendiq; Urbem: intòq; in Castra reuerii.*

Huc vertunt proras; huc omnis flante secundo

Coniurata rātis deferitur, & applicat Euro.
Protinus in terras alacri gens Anglica saltu
Desilit, & sparsis diuerberat æthera signis.
Auditur strepitus grandis: tuba classica, ciues
Aduentasse nouos (melius quis dixerit, hostes)
Inclamat: recto cursu properatur ad arcem,
Martini vulgò dictam de nomine Sancti.

Hic magnus virimq; animis contenditur: ardet
Hic Bellona fremens: hic Mars accenditur ira
Crudeli, hic totam latè se bellica virtus
Explicat: hic Anglusq; simul, Gallusq. potenter,
Seu Dux, seu Miles, quis sit, quid possit in armis
Monstrat: & ituras in sæuum gloria bellum
Imis accendit cunctorum in cordibus iras.
Per campum Tormenta tonant: mors horrida passim
Sæuit, & obiecto pleroq; cadauere gaudet
Exsaturare oculos in propria fata furentium,
Qui numerare volet quoties insultibus Angli,
Aut scals, alij suè modis inuadere Castrum
Aggressi: numerasse simul se dicat oportet;
A Galus quoties fuerim cum morte repulsi
Plurima, & effuso scedarint sanguine terram.

Iāq; trahi in quintū, grauis, aspera, strictaq; mēsem
Cœperat obsidio: cum Rex cognomine IVSTVS,
Cui virides semper nectit victoria lauros:
Offensæ ultrices, iustasq; exarsu in iras.
Nec mora: Chamberto forti Ductore paratas,

*Delectos bis mille viros conscendere naues
Imperat, obsessis qui prompta iuuamina præsent
Aduersumq; ferant inimicum pectus in agmen.*

*Cura tibi (ò Princeps quem Purpura nobilis ornat,
Quemq; sacros inter Romana Ecclesia Patres
Fœlix de tali tantq; Anisite censeat)
Cura (inquam) istius tibi tota relinquitur alii
Successus: te tota penes res ista recumbit.*

*Et iam læta dies aderat; stat littore Classis,
Instructa ascendunt armis animisq; Cohortes.
Regia multiuagam fluitant vexilla per æthram,
Lata opportunis inflantur carbasa ventis.
Cunctaq; victricem promittunt omina sortem.
Nec spes vana subit: nam vix deuicta per æquor
Rheniacæ attingerat primos gens Regia fines
Insulæ, & optatis terram coniungere plantis
Cœperat: attonitâ cum turba Britannica mente,
Consilij penè facta expers: hinc inde recursans;
Expauet, albescit, tremebundo pectore nutat:
Inq; rates proprias reditum meditatur inanem.
Sic timide interdum super ardua tecta Columbæ,
Dum placidæ gaudent simul indulgere quieti
Grex volucrum alisonans si fortè superuenit: omnes
Protinus effuse vacuum per inane, volatu
Turbato fugiunt: dubiæ si tecta reuissent:
Aut si prima unquam poterunt in claustra redire.
Haud aliter Galis visis, fugere Britanni*

Inq; suas frustra naues studuere reuerti.

*Bellandi inerea studio gens Gallica flagrans
Præcipitat cursum: clamosaq; exprobrat hosti
Voce fugam: Miseri quonam sic tenditis, inquit?
Quo fugitis trepidi? date frontem, vertite pectus,
Arripite arma manu, strictoq; insistite ferro?*

*Audiit hæc Anglus miles, subitoq; repressis
Gressibus obiecto succlamat pectore bellum:
Bellum horrendum, ingens: ubi Mars agitat us acerbis
Desceit furis, ubi mors sitibunda per amplam
Colligere Anglorum statuit per vubera messem.
Ut signum pugnae sonuit tuba: protinus aer
Terrificis reboat clamoribus: Anglia viuat,
Hi resonant: alij respondent. Francia viuat.
Arma, arma ingeminant omnes: dein plurima utrumq;
Per campum volitans exultat mortis imago,
Et madidata rubet morientium sanguine tellus:
Nulla armata manus dedit irrita vulnere Galli
Militis: Anglorum nullus lethalia Gallis
Militibus (certè ni paucis) vulnere fixit.*

*Inerea obseffo bellandi ardoribus vrens
E Castro dimissa cohors irrumpit in hostes,
Ore tonans Martem; deuotaq; corpora cladi
Innumera Anglorum tristem destrudit in Orcum:
Non tot proceres Boreas ex arbore frondes,
Nec tot falx virides è prato decutit herbas:
Quot simul hic ferro victi cecidere Britanni.*

Insula

*Insula tum tranquilla manet: foelicibus omnis
Auspicijs obienta pij victoria Regis
Creditur, & letà celebratur voce per ipsas
Anglico adhuc passim fumantes sanguine turmas.
Immensas, REX Abne Deus, largitor opimi
Cuiuscunq; boni, grates tibi tota rependunt.
Agmina victrici radiantia tempora lauro,
Perpetuumq; diem sacro signantia cultu:
Taliter eiectionis inuasus è finibus Angli,
Hæreseosq; uno conflictu in Tartara pulsa:
Vobis pro meritis tribuantur millia tantis
Præmia magnifici victores: viuite pleni
Laudis, & excelsæ per singula secula famæ.
RUPELLÆ interea summis terrâq; mariq;
Obsidio vrgetur conatibus: ipsaq; Regis
Egregias effert multum præsentia mentes.
Parte omni in latos quâ terra extenditur agros
Singula iuta manenti: Nam propugnacula circum
Tam multa obsessæ Rupellæ mœnia cingunt,
Vt nihil hac venias penitus pro parte timendum:
Sola subest adytus pars occludenda marini,
Quâ sperare potest gens interclusa daturus
Auxilij genus omne sibi, quos fœdere Fratres,
Atque fide agnoscit sibi longo ex tempore iunctos:
Hic magnâ, assiduâ, longâ; durâq; hominum vi
Certatur: totis hic clara industria sudat
Artibus, & iam iam domitum frœnarier æquor*

Incipit

Incipit, ac fluctus (visu res mira) tumentes
Aggeris in densam Regalis frangere molem.
Nec mora, nec requies tanto datur ulla labori.
Perq; dies, noctesq; simul sudore perenni,
Maxima dum gentis vulgata turba ferendis
Arboribus, terris, trabibus, saxisque laborat;
Tandem tuta manet Regi dominatio Portus,
Atque adytus cunctis hostilibus inuius armis
Redditur: & facilis remanet custodia ponti.

Hac inter rursus renouata Britannica Classis
Vela facit: cunctasq; vias tentatque, mouetque,
Si fortè afflictis valeat succurrere rebus,
Et Rupellæas recreare, utcunq; Cohortes.
Quidquid agat, spes omnis abit: manet omnis inanis
Impetus, & vacuas abeunt ut fumus in auras
Hæreticis quotquot solertia suggerit artes:
Ostia nulla patent: adytus quicunq; negatur:
Cunctaq; Lilihero parent sua lititora Regi.

Interea miseram grassatur ubique per urbem
Dira famos: quam mors rabie succensa ferali
Insequitur lentis haud passibus: undiq; panem,
Ah panem, panem, lacrymosa voce precatur
Vulgus, & exangues animas per compita fundunt.
Et quamquam afflictis prorsus spes nulla futuri
Fulgeat auxiliij; panisq; & singula desint:
Haud tamen audaces animos, haud saxea flectunt
Pectora, vel Regem sibi se præstare benignum.

Voce

*V*oce rogant humili : præsentem quin mage duræ
*E*xpectant facie , per quæq; instantia mortem :
*S*cilicet in non spe (si fas sit dicere) cæci
*S*perantes , animos hoc pascere carmine gaudent ,
*U*na salus victis nullam sperare salutem .

O spes ! ô potius fallacia cordis iniqui !
*Q*uid facitis miseri ? quo stulta rebellio mentes
*A*bripit ? aut quo vos capitis dementia transfert ?
*N*onne sub Augusto satius (quæso) ante fuisset
*P*rincape , tranquille decerpere gaudia pacis ,
*E*t plena proprios aliosuè errando per agros
*L*ibertate , bonis placidè præsentibus vii ;
*Q*uam vosmet morti sponte adstrinxisse coactæ ?

*E*t iam sol pleno cursu confecerat orbem ,
*A*liæque rotas evolvere cœperat anni .
*T*andem horrenda fames , Populi durissima mollit
*P*ectora : consultum statuunt sibi Regis adire
*V*ulubus abiectis sacrum clemensq; Tribunal .
*C*unctaq; quæ sua sunt , seq; eius subdere totos
*A*rbitrio , Imperijs , ac Legibus . Eheu faustum
*Q*uo feruore diem niueo sub marmore sculpsit
*Q*uotquot adhuc viuens restabat vulgus in *V*rbē !

*N*ec mora sex lecti Ciues ex agmine toto
*A*d Regem properant , & multo corda dolore
*P*erfusi , atq; pedes offensi Principis ante
*P*rostrati , tremulâ vix vii voce valentes :
*P*acem orant , vitam , veniam , panemq; precantur ,

Seq.

*Seq; suosq; omnes subdunt, veràq; loquelà
Pœnarum omne genus se promeruisse fatentur
Pro Maiestatis leso Regalis honore.*

*Horrendi sceleris sic quis sibi conscius, ante
Iudicis exactum trepidusq; tremensq; Tribunal
Prodit, & ambabus palmis post terga reuinctis
Atque arctà circumreligatus colla catenà,
Aut veniæ expectat, vel moriis nuntia certæ.*

*Tum Rex pacificam primis cui finxit ab annis
E cœlo demissa alto Clementia frontem.*

*Qui duplici hoc dudum ditauit carmine pectus.
Corpora magnanimo satis est prostrasse Leoni.
Parcere subiectis, & debellare superbos.*

*Quiq; vel aspectu solo nimbose serenat
Sydera, & afflictis primà vel voce medetur
Cordibus: hæc blando verè aurea verba profudit
Alloquio (arrectis tota illic Curia præsens
Mellifluos Regis sermones auribus hausit:
Et vitam ex ipsis languens Rupella resumpsit.)*

*Tandem ergo nostris humiles victricibus armis
Ceditis, & sanum vosmet conuertitis ad cor;
Experti quid cruda fames in corpora, quid mors,
Longa quid obsidio, virtus quid bellica possit;
Et quid subiectis animos firmasse rebelles,
Aut spreuisse sui iuuat Alii Regis honorem.
Eia agite & vestris pacis bona verba referte:
Atque ipsis Regem vos inuenisse benignum*

Dicite

*Dicite: qui vitam, venturamq; petimus
Concedit. Nec plur a dehinc Rex ipse locutus,
Innumeras hilari promunt de pectore grates
Qui missi fuerant homines: omniq; salute
Magnifico optata Regi: letanter in urbem
Mox redeunt: occurrit eis super ipsamet urbis
Mœnia perplexum vulgus: si forte reportent
Promerita mortis, velut a nuntia pacis.*

*Mox ut PAX audita: aliis clamoribus aer
Compleitur: Tormenta tonant: tuba classica laudes
Ingeminat LODOICE tuas: Rex Optime viuas
Voce aliâ clamat Populus: bella omnia cessent,
Et merito à cunctis semper celebreris honore.*

*Interea Ingressus pro Rege paratur in Urbe,
Panduntur portæ, lectæ pleræq; Phalanges
Intrant, quæq; sibi signatâ in sede locatur,
Hic Equitum phalerata cohors: hic turma pedestris,
Hic vulgata manus certâ in statione iubetur
Stare, & ne fiant ulli vigilare tumultus.
Per turre, muros, & propugnacula quævis,
Gallica signa volant: sparguntur Lilia passim,
Ipsaq; diuerso decorata tapete viarum
Strata, quid haud minimû, reliquis splendoribus addunt,
Tum demum auras magnâ stipante cateruâ
Regia Maiestas præfulgens intrat in armis.*

*Autoniti Cives ad tanti lumina Solis
Demittunt humiles oculos: nec cernere contra*

Audent

Audent, nam veterum prohibet mens ritē malorum
Conscia: deposito sed mox utcunq; timore.

Vivat REX, vivat, vivat, pleno intonat ore
Quilibet: & multis applausibus æthera complent.

Tum verò sacri ceremonia splendida cultus
Ordine præclaro disponitur: atq; triumphans
REX Regum mediam Christus (res mira) per urbem
Sub specie panis desertur: Cantica mille,
Mille hymni, cantusq; pij: mille aera frangunt
Concordi varioq; simul modulamine plectra.
Hic post innumeram Procerumq; Ducumq; cateruā,
Postq; alios: REX ipse pedes sub veste modestā
Conspicius graditur: cunctos rapii inclita tanti
Principis, ut pietas, sic quælibet altera virtus.
MISSA dehinc ritu Romano à Præsule grandi
Dicitur: & dignis pro laudibus hostia Christus
Offertur Patri æterno. Sicq; omnibus actis
Urbs omnis tandem securā in pace quiescit.

Quis mihi iā miserā quot morsq; famesq; per urbē
Grassatæ longum sæuo cum Marte per annum
Ediderint strages referat? quot corpora tristem
Dimisere ferā rabie pallentia ad Orcum?
Mira canam, sed vera tamen: centesima vix pars
Euasit gelidæ prædurūm mortis agonem.
Multi etiam extructis pro se, per se ante sepulchris
Tardam obiurgantes optata in funera mortem,
Sunt visi ante obitum sese inclisisse sub ipsis.

Quodq;

17
Quodq; animus meminisse horret: pro pane ciboq;
Ipsa caro ventres quorundam humana repleuit.

Eheu quo cacas insana rebellio mentes
Versat, & extremum quàm multis urbibus affert
Excidium: quantasq; domos ad nulla reducit!

Iamdudum obseſſis (ut paucis omnia dicam)
Vt caro; sic pisces, & quæq; legumina, & herbæ,
Et quævis tritici species, speq; omnis habendi.
Vel minimi auxilij (verbo uno) singula desunt.
Et tamen horribitem potius gens perfida mortem,

Totalemq; sui manuſt perferre ruinam:
Quàm quid Magnifici possit Clementia Regis
Erga humiles animos, veniam quærendo, probare.

Scilicet oculis miserorum pectora vinculis
Obdurata tenet Prædo Infernalis, & usque
Stat vigil extremam lacrymosæ mortis ad horam:

Vt quotquot tota Populi versantur in urbe
Extinctos fato secum deportet in ignes,

Horrendos ignes Erebi: perdatque: priusquam
Facti humiles Regi, doceantur verba salutis,

Et Fidei incipiant Romanæ agnoscere lumen.

O vos felices cœlestis gratia quotquot.
Cladibus è tantis saluos seruauit in istum
Usque diem: ut tenebris tandem de mente fugatis
Sa cra salutiferæ discatis dogmata Legis,
Et recto ad cœlos sumatis tramite cursum.

AT TIBI pro tãtis meritis LODOICE repēdat
Innu-

Innumeras foelix tua reddita Francia grates:
 Lætitia passim resonent per sidera cantus:
 Festa triumphales omnis tibi turma coronas
 Nectat: & æternâ cingat tua temporal auro.
 Ipsa etiam Rupella tuas super astra perenni
 Applausu extollat summo conamine laudes.
 VIVE diu Populisq; tuis, Regnoque, Deoq;
 Gratus & æternum per quævis prælia Victor:

ROMA ubi hos puro promit de pectore versus:
 Roma patens ubi cor exili hoc carmine profert.
 Roma (inquam) illa tuis quæ vlrò victricibus armis
 Publica lætitia quamplurima signa dicauit.
 Roma in qua Domini (res rara, & mirare laui)
 Maiestas visa est PAPAE, per strata viarum
 Isse pedes: fecisse Sacrum: gratesq; dedisse
 Immensas Sacrae TRIADI: sub nomine Regis
 Victoris, cuius tenero certè ardet amore:
 Et quem nec præsens unquam, melior uè futura
 Sat dignè meritis decorabit honoribus ætas.

FINIS: VIVAT REX.

